



საქართველოს საბჭოთა სოციალისტური რესპუბლიკის

მთავრობის

დადგენილებათა და განკარგულებათა კრებული

1939 წ. სექტემბრის 5

№ 19

თბილისი

შ ი ნ ა ა რ ს ი

სახალხო კომისართა საბჭოს და საქ. კ. პ. (ბ) ცენტრალური კომიტეტის დადგენილებანი

74. საქართველოს სსრ-ში ერთპიროვნულ გლეხურ მეურნეობათა საყენე მიწების და საკარმიდამო ნაკვეთების განსაზღვრის შესახებ.

75. წითელწყაროს რაიონში ერთპიროვნულ გლეხურ მეურნეობათა საყენე მიწებისა და საკარმიდამო ნაკვეთების განსაზღვრის შესახებ.

76. საქართველოს სსრ სახალხო კომისართა საბჭოსთან გადმოსახლების განყოფილების ორგანიზაციის შესახებ.

სახალხო კომისართა საბჭოს დადგენილებანი

77. საქართველოს სსრ მთავრობის რაიონებში მარცვლეული პროდუქტების ავტოსაქმონო გადაზიდვის განაკვეთების შესახებ.

78. ტრესტ „საქმინწყარის“ ყველა მისი საწარმოებით საქ. სსრ ჯანმრთელობის დაცვის სახალხო კომისარიატის სისტემიდან საქ. სსრ კვების მრეწველობის სახალხო კომისარიატის კომპლექსებში გადაცემის შესახებ.

79. თამბაქოს ვაჭრობის აკრძალვის შესახებ.

80. საქართველოს სსრ საავტომობილო ტრანსპორტის სახალხო კომისარიატის სტრუქტურისა და შტატის შესახებ.

81. საქართველოს სსრ 1940 წლის ბიუჯეტის შედგენის შესახებ.

სახალხო კომისარიათა საბჭოს და საქ. კ. პ. (ბ) ცენტრალური კომიტეტის დადგენილება

74. საქართველოს სსრ-ში ერთპიროვნულ გლეხურ მეურნეობათა საყანე მიწების და საკარმიდამო ნაკვეთების განსაზღვრის შესახებ.

საქ. კ. პ. (ბ) ცენტრალური კომიტეტისა და სსრ კავშირის სახალხო კომისარიათა საბჭოს მიერ „კოლმეურნეობათა საზოგადოებრივი მიწების განიავებისაგან დაცვის ღონისძიებათა შესახებ“ 1939 წლის 27 მაისს მიღებული დადგენილების (სსრკ დადგ. კრ. 1939 წ. № 34, მუხ. 235) მე-8 პუნქტის შესაბამისად, — საქართველოს სსრ სახალხო კომისარიათა საბჭო და საქ. კ. პ. (ბ) ცენტრალური კომიტეტი ადგენენ:

1. ერთპიროვნული გლეხური კომლის სარგებლობაში არსებული საყანე მიწა (გარდა საკარმიდამო მიწისა) განისაზღვროს ნახევარი ჰექტარით საქართველოს სსრ ქვემოთჩამოთვლილ რაიონებში: აბაშის, ამბროლაურის, ბორჩალოს, ბაღდათის, ბათუმის, ვანის, გეგეჭკორის, გორის, გურჯაანის, ვალის, გუდაუთის, გაგრის, ზუგდიდის, ზესტაფონის, ქობულეთის, ქუთაისის, კასპის, ყარაიის, ყვარლის, ლაგოდეხის, ლანჩხუთის, ლუქსემბურგის, მახარაძის, ორჯონიკიძის, ოჩამჩირის, ფოთის, სამტრედიის, საგარეჯოს, სოხუმის, სიღნაღის, ტყებულის, თელავის, თბილისის, ხობის, ხაშურის, წალენჯიხის, ცხაკაიას, წულუკიძის, ცაგერის, ჩოხატაურის, ჩხოროწყუს, ჩხარის და ქიათურის რაიონებში.

2. საქართველოს სსრ დანარჩენ რაიონებში — ახალციხის, ახალქალაქის, აღიგენის, ასპინძის, აღბულახის, ბოგდანოვკის, ბაშკიჩეთის, ბორჯომის, დუშეთის, ჯავის, ზნაურის, ქედის, ლენინგორის, ონის, სტალინორის, თიანეთის, წალკის და ხულოს რაიონებში იმ საყანე მიწის ოდენობა რომელიც ერთპიროვნული გლეხური კომლის სარგებლობაში რჩება, განისაზღვროს ერთ ჰექტარამდე.

3. საქართველოს სსრ ყველა რაიონში ერთპიროვნული გლეხური კომლის სარგებლობაში არსებული საკარმიდამო ნაკვეთების ოდენობა იმ მიწის ჩათვლით, რომელიც შენობებს უჭირავს, განისაზღვროს ჰექტარის 20 მეასედით (2.000 კვ. მეტრი).

4. ზემოაღნიშნულ ნორმებთან შედარებით ერთპიროვნულ მეურნეთა ყველა ზედმეტი როგორც საყანე, ისე საკარმიდამო მიწები მიეზომოს საკოლმეურნეო მიწებს და უმთავრესად მოხმარდეს კოლმეურნეობათა მიწის საკარმიდამო ფონდის შევსებას.

საქ. სსრ ს. კ. ს-ის
თავმჯდომარე ვ. ბაქრაძე.

საქ. კ. პ. (ბ) ც. კ-ის
მდივანი კ. ჩარკვიანი.

75. წითელწყაროს რაიონში ერთპიროვნულ გლეხურ მეურნეობათა საყანე მიწებისა და საკარმიდამო ნაკვეთების განსაზღვრის შესახებ.

დამატებით საქართველოს სსრ სახალხო კომისართა საბჭოს და საქ. კ. პ. (ბ) ცენტრალური კომიტეტის მიერ „საქართველოს სსრ-ში ერთპიროვნულ გლეხურ მეურნეობათა საყანე მიწების და საკარმიდამო ნაკვეთების განსაზღვრის შესახებ“ 1939 წლის 22 ივნისს გამოცემული დადგენილებისა (საქ. სსრ დადგ. კრ. 1939 წ. № 19, მუხ. 74); საქართველოს სსრ სახალხო კომისართა საბჭო და საქ. კ. პ. (ბ) ცენტრალური კომიტეტი ადგენენ:

1. წითელ წყაროს რაიონში ერთპიროვნული გლეხური კომლის სარგებლობაში არსებული საყანე მიწა (გარდა საკარმიდამო მიწისა) განისაზღვროს ნახევარი ჰექტარით.

2. წითელწყაროს რაიონში ერთპიროვნულ გლეხური კომლის სარგებლობაში არსებული საკარმიდამო ნაკვეთების ოდენობა იმ მიწის ჩათვლით, რომელიც შენობებს უჭირავთ, განისაზღვროს ჰექტარის 20 მეასედით (2,000 კვ. მეტრი).

საქ. სსრ ს. კ. ს-ოს
თავმჯდომარე ვ. ბაქრაძე.

საქ. კ. პ. (ბ) ც. კ-ის
მდივანი კ. ჩარკვიანი.

1939 წ. ივნისის 29. № 1231.
თბილისი.

76. საქართველოს სსრ სახალხო კომისართა საბჭოსთან გადმოსახლების განყოფილების ორგანიზაციის შესახებ.

„სსრკ სახკომსაბჭოს გადმოსახლების სამმართველოს და მისი ადგილობრივი ორგანოების შესახებ“ გამოცემული სსრ კავშირის სახალხო კომისართა საბჭოს და საქ. კ. პ. (ბ) ცენტრალური კომიტეტის 1939 წლის 23 ივლისის № 1099 დადგენილების შესაბამისად, — საქართველოს სსრ სახალხო კომისართა საბჭო და საქ. კ. პ. (ბ) ცენტრალური კომიტეტი ადგენენ:

1. ლიკვიდირებულ იქნას საქართველოს სსრ მიწათმოქმედების სახალხო კომისარიატთან არსებული გადმოსახლების ბიურო.

2. ლიკვიდირებულ იქნას აფხაზეთის ასს რესპუბლიკაში გადმოსახლების საქართველოს სსრ სახალხო კომისართა საბჭოს რწმუნებულის ინსტიტუტი.

3. მოეწყოს საქართველოს სსრ სახალხო კომისართა საბჭოსთან გადმოსახლების განყოფილება, რომელიც დაექვემდებაროს სსრ კავშირის სახალხო კომისართა საბჭოსთან არსებულ გადმოსახლების სამმართველოს.

4. საქართველოს სსრ გადმოსახლების ლიკვიდირებული ბიუროს 1939 წლისათვის გაღებული მთელი ასიგნობანი, სამშენებლო მასალათა ფონდები და



კადრები გადაეცეს საქართველოს სსრ სახალხო კომისართა საბჭოსთან
ბულ გადმოსახლების განყოფილებას.

5. აფხაზეთის ასსრ-ში გადმოსასახლებელ კოლმეურნეობათა სამეურნეო
ანგარიშზე მყოფი სამშენებლო კანტორები, რომლებიც საქართველოს სსრ
მიწათმოქმედების სახალხო კომისარიატთან და კოლხიდშიშენთან არსებობენ,
გადაეცეს საქართველოს სსრ სახალხო კომისართა საბჭოსთან არსებულ გადმო-
სახლების განყოფილებას.

6. საქართველოს სსრ სახალხო კომისართა საბჭოსთან არსებული გადმო-
სახლების განყოფილება ანხორციელებს კოლმეურნეობათა, კოლმეურნეთა და
ერთპიროვნულ მეურნეთა გადმოსახლებას მცირემიწიანი და მთავორიანი რაიონ-
ებიდან მრავალმიწიან რაიონებში, აგრეთვე კოლმეურნეობათა, კოლმეურნეთა
და ერთპიროვნულ მეურნეთა გადმოსახლებას იმ მიწებიდან, რომლებსაც
სამრეწველო საწარმოების, რკინიგზის მაგისტრალების, ჰიდროტექნიკურ და
სხ. ნაგებობათა მშენებლობისათვის იყენებენ.

7. საქართველოს სსრ სახალხო კომისართა საბჭოსთან არსებული გადმო-
სახლების განყოფილება გამოარკვევს იმ რაიონებს, სადაც კოლმეურნეთა და
ერთპიროვნულ მეურნეთა სიჭარბეა; განსაზღვრავს გადმოსახლებულთა კონტინ-
გენტს; აწესებს დასახლების ადგილებს; აწყობს გადმოსახლებულთა გადაყვანას
და მათს მომსახურებას გზაში; ატარებს მუშაობას დასახლების ორგანიზაციულ-
სამეურნეო მოწყობისათვის დასახლების ადგილებში (მიწის ფონდების მომზა-
დება და გამოყოფა, სამეურნეო და კულტურულ-საყოფაცხოვრებო მშენებლობა,
სამშენებლო მასალებით, ინვენტარით და სხვ. მომარაგება); აფინანსებს გადმო-
სახლებასთან დაკავშირებულ ღონისძიებებს; ანხორციელებს კონტროლს ვადე-
ბული კრედიტების სწორად გამოყენებისათვის და უფარდებს გადმოსახლების
დარგში არსებულ შეღავათებს.

8. იმ კოლმეურნეებს, რომელთაც მრავალმიწიან რაიონებში სურთ გადმო-
სახლება, განცხადებები შეაქვთ რაიონულ აღმასრულებელ კომიტეტში საცხოვ-
რებელი ადგილის მიხედვით.

ცნობებს გადმოსახლების მსურველთა შესახებ რაიონული აღმასრულებელი
კომიტეტები უგზავნიან საქართველოს სსრ სახალხო კომისართა საბჭოსთან არ-
სებულ გადმოსახლების განყოფილებას.

საქართველოს სსრ სახალხო კომისართა საბჭოსთან არსებული გადმო-
სახლების განყოფილება, საქართველოს სსრ სახალხო კომისართა საბჭოს მიერ
დამტკიცებული გეგმის საფუძველზე, დააწესებს და რაიონებს დაუგზავნის ვად-
მოსახლების გეგმიან კონტინგენტებს და რაიონულ აღმასრულებელ კომიტეტებ-
თან ერთად ატარებს გადმოსასახლებელთა შერჩევას და შერჩეულთა გაფორ-
მებას.

9. მოეწყოს აფხაზეთის ასსრ სახალხო კომისართა საბჭოსთან გადმოსახ-
ლების განყოფილება, რომელიც დაექვემდებაროს საქართველოს სსრ სახალხო
კომისართა საბჭოსთან არსებულ გადმოსახლების განყოფილებას, ამასთან დაე-

სისროს მას მოვალეობა — მიიღოს გადმოსახლებულნი და კონტროლი გაუწიოს დასახლებულთა დაბების მშენებლობას.

10. წინადადება მიეცეს საქართველოს სსრ სახალხო კომისართა საბჭოსთან არსებულ გადმოსახლების განყოფილებას ერთი დეკადის ვადაში წარმოუდგინოს საქართველოს სსრ სახალხო კომისართა საბჭოს და საქ. კ. პ. (ბ) ცენტრალურ კომიტეტს საქართველოს სსრ სახალხო კომისართა საბჭოსთან და აფხაზეთის ასსრ სახალხო კომისართა საბჭოსთან არსებულ გადმოსახლების განყოფილებათა სტრუქტურისა და შტატების პროექტი.

11. საქართველოს სსრ სახალხო კომისართა საბჭოსთან არსებულ გადმოსახლების განყოფილების უფროსად დაინიშნოს ამხ. ი. ნ. რაფაფა.

საქ. სსრ ს. კ. ს-ის
თავმჯდომარის მოადგ.
ს. ხოშტარია.

საქ. კ. პ. (ბ) ც. კ-ის
მდივანი კ. ჩარკვიანი.

1939 წ. აგვისტოს 13. № 1572.
თბილისი.

სახალხო კომისართა საბჭოს დადგენილებანი

77. საქართველოს სსრ მთავორიან რაიონებში მარცვლეული პროდუქტების ავტოსაქაპნო გადაზიდვას განაკვეთების შესახებ.

შესაბამისად სსრ კავშირის სახალხო კომისართა საბჭოს 1937 წლის 13 იანვრის № 48 დადგენილებისა „მოვაჰრე ორგანიზაციებისათვის მარცვლეული პროდუქტების გადაზიდვის ხარჯების ანაზღაურების წესის შესახებ“ და თავის 1938 წლის 8 თებერვალს „საქართველოს სსრ მთიან რაიონებში მარცვლეული პროდუქტების ავტო-საქაპნო გადაზიდვის განაკვეთების შესახებ“ (საქ. სსრ კან. კრ. 1938 წ. № 5, მუხ. 20) გამოცემულ დადგენილების დასამატებლად საქართველოს სსრ სახალხო კომისართა საბჭო ადგენს:

ნება დართულ იქნას პურეული პროდუქტების გადაზიდვა საკიდარებით თელავის რაიონის სოფ. ფშაველიდან მთათუშეთამდე (ომალო, დორტლო), ამასთან ხარჯები ანაზღაურებულ იქნას ფაქტიური ღირებულების მიხედვით, მაგრამ არაუმეტეს ათი მანეთისა ტონა-კილომეტრზე.

საქ. სსრ ს. კ. ს-ის თავმჯდომარის მოადგ. გ. სტურუა.

საქ. სსრ ს. კ. ს-ის საქმეთა მმართველის მ. ა. ი. შელეგია.

1939 წ. აგვისტოს 9. № 1522.
თბილისი.

78. ტრესტ „საქმინწყალის“ ყველა მისი საწარმოებით საქ. სსრ ჯანმრთელობის დაცვის სახალხო კომისარიატის სისტემიდან საქ. სსრ კვების მრეწველობის სახალხო კომისარიატის გამგებლობაში გადაცემის შესახებ.

შესაბამისად სსრ კავშირის სახალხო კომისართა საბჭოსთან არსებული ეკონომიური საბჭოს 1939 წ. 27 ივლისის № 766 დადგენილებისა „ტრესტ „საქმინწყალის“ — ყველა მისი საწარმოებით საქართველოს სსრ ჯანმრთელობის დაცვის სახალხო კომისარიატის სისტემიდან საქართველოს სსრ კვების სახალხო კომისარიატის გამგებლობაში გადაცემის შესახებ“ საქართველოს სსრ სახალხო კომისართა საბჭო აღგენს:

1. საქართველოს სსრ ჯანმრთელობის დაცვის სახალხო კომისარიატთან არსებულ მთავარ საკურორტო სამმართველოს ტრესტი „საქმინწყალი“ ყველა მისი საწარმოებით გადაეცეს საქართველოს სსრ კვების მრეწველობის სახალხო კომისარიატს. გადაცემა მოხდეს შესაბამისად სსრ კავშირის სახალხო კომისართა საბჭოს 1936 წლის 15 თებერვლის დადგენილებისა „სახელმწიფო საწარმოთა, შენობათა და ნაგებობათა გადაცემის წესის შესახებ“ (სსრკ კან. კრ. 1936 წ. № 11, მუხ. 93).

2. ჩაბარებისა და მიღებისათვის შეიქმნას კომისია შემდეგი შემადგენლობით: ამხ. ბახტაძე (თავმჯდომარე) საქართველოს სსრ კვების მრეწველობის სახალხო კომისარის მოადგილე, გაბუნია, ამირაჯიბი (კვების მრეწველობის სახალხო კომისარიატი), ფრანგულიანი, ფაღავა, სვიმონიშვილი (ჯანმრთელობის დაცვის სახალხო კომისარიატი).

მიენდოს კომისიას ერთი თვის ვადაში დაამთავროს მიღება და ჩაბარება და შედეგები მოახსენოს საქართველოს სსრ სახალხო კომისართა საბჭოს.

საქ. სსრ ს. კ. ს-ოს თავმჯდომარის მოადგ. გ. სტურუა.

საქ. სსრ ს. კ. ს-ოს საქმეთა მმართველის მ. ა. ი. შელეგია.

1939 წ. აგვისტოს 10. № 1550.
თბილისი.

79. თამბაქოს ვაჭრობის აკრძალვის შესახებ.

საქართველოს სსრ სახალხო კომისართა საბჭო აღგენს:

1. აიკრძალოს როგორც დაჭრილი, ისე ფოთლოვანი თამბაქოს საკოლმეურნეო და ინდივიდუალურ-გლეხური ვაჭრობა საქართველოს სსრ ტერიტორიაზე, გარდა ახალციხის, ასპინძის, ახალქალაქის, ბოგდანოვკის და წალკის რაიონებისა, ვიდრე შესრულდებოდეს 1939 წლის მოსავლის თამბაქოს დამზადების რესპუბლიკური გეგმა და საქართველოს სსრ სახალხო კომისართა საბჭო

გამოიტანდეს სპეციალურ დადგენილებას, რომლის მიხედვითაც კოლმეურნეობებს, კოლმეურნეებსა და ერთპიროვნულ მეურნეებს მიეცემათ თამბაქოს თავისუფალი გაყიდვის ნება.

2. ნება დაერთოს ადიგენის, ახალციხის და ასპინძის რაიონების კოლმეურნეობებს, კოლმეურნეებსა და ერთპიროვნულ მეურნეებს თავისუფლად გაყიდონ საკუთარი მოსავლის თამბაქო წალკის, ზოგდანოვკის, ახალქალაქის, ასპინძის, ახალციხის და ადიგენის რაიონების ტერიტორიის ფარგლებში.

3. ძალადაკარგულად ჩაითვალოს საქართველოს სსრ სახალხო კომისართა საბჭოს 1939 წლის 29 მაისის დადგენილება „თამბაქოს თავისუფალი გაყიდვის შესახებ“ (საქ. სსრ დადგ. კრ. 1939 წ. № 15, მუხ. 61).

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველის მ. ა. ი. შელეგია.

1939 წ. აგვისტოს 25. № 1601.

თბილისი.

80. საქართველოს სსრ საავტომობილო ტრანსპორტის სახალხო კომისარიატის სტრუქტურისა და შტატის შესახებ.

საქართველოს სსრ უმაღლესი საბჭოს 1939 წლის 23 ივლისის კანონის შესაბამისად „საქართველოს სსრ საავტომობილო ტრანსპორტის რესპუბლიკური სახალხო კომისარიატის შექმნის შესახებ“ საქართველოს სსრ სახალხო კომისართა საბჭო აღდგენს:

1. საქართველოს სსრ საავტომობილო ტრანსპორტის სახალხო კომისარიატის შედგენილობაში შეიქმნას შემდეგი მთავარი სამმართველოები და განყოფილებანი:

ა) ექსპლოატაციის მთავარი სამმართველო, რომელსაც დაეკისროს საავტომობილო ტრანსპორტის სახალხო კომისარიატის სისტემის ავტომანქანების ექსპლოატაცია;

ბ) სარემონტო საწარმოები, საგარაჟო მოწყობილობის წარმოების საწარმოთა და მომსახურეობის სადგურის მთავარი სამმართველო;

გ) ტექნიკური განყოფილება, რომელსაც დაეკისროს საავტომობილო ტრანსპორტის რემონტისა და ექსპლოატაციის ნორმატივების დამუშავება;

დ) საგეგმო-ფინანსური განყოფილება;

ე) ცენტრალური ბუხჰალტერია;

ვ) სპეცგანყოფილება;

ზ) აღმინისტრაციულ-სამეურნეო განყოფილება;

ი) კადრების მომზადებისა და გადამზადების განყოფილება;

თ) კაპიტალური მშენებლობის განყოფილება;

კ) სამეურნეო ანგარიშზე მყოფი მატერიალურ-ტექნიკურ მომარაგების კანტორა.

2. საქართველოს სსრ საავტომობილო ტრანსპორტის სახალხო კომისარიატის 1939 წლის შტატი დამტკიცდეს 65 ერთეულის რაოდენობით (მატერიალურ-ტექნიკურ მომარაგების კანტორის გარდა) მთავარ სამმართველოსა და განყოფილებათა მიხედვით განაწილების თანახმად.

3. 1939 წელს სამეურნეო ანგარიშზე მყოფ მატერიალურ-ტექნიკური მომარაგების კანტორის შტატი დამტკიცდეს 15 ერთეულის რაოდენობით.

4. დავალოს საქართველოს სსრ ფინანსთა სახალხო კომისარიატს სამი დღის ვადაში დაადგინოს ხელფასის განაკვეთები საქართველოს სსრ საავტომობილო ტრანსპორტის სახალხო კომისარიატისათვის, განსაზღვროს ხელფასის ფონდი და აღმინისტრაციულ სამმართველო ხარჯების ოდენობა 1939 წლის ბოლომდე.

5. საქართველოს სსრ საავტომობილო ტრანსპორტის სახალხო კომისარიატის მთავარ სამმართველოებს მიენიჭოს სამეურნეო ანგარიშის უფლებები თანახმად „სამრეწველო სახალხო კომისარიატების მთავარ სამმართველოთა სამეურნეო ანგარიშის უფლებების შესახებ“ გამოცემული სსრკ ცენტრალური აღმასრულებელი კომიტეტისა და სახალხო კომისართა საბჭოს 1936 წ. 15 ივლისის დადგენილებისა (სსრკ კან. კრ. 1936 წ. № 43, მუხ. 361).

6. საქართველოს სსრ საავტომობილო ტრანსპორტის სახალხო კომისარიატს გადაეცეს:

ა) „საქავტოტრანსის“ ყველა საწარმო და ავტომანქანა, თანდართული სიის თანახმად, ამასთან დაკავშირებით საქართველოს სსრ სახალხო კომისართა საბჭოსთან არსებული ავტოტრანსპორტის მეურნეობის სამმართველოს შემდგომი არსებობა ჩაითვალოს ზედმეტად;

ბ) თბილავტოტრესტი, რომელიც გამოყვანილ იქნას თბილისის ქალაქის საბჭოს გამგებლობიდან;

გ) საქართველოს სსრ ადგილობრივი მრეწველობის სახალხო კომისარიატის ბარატისა და დიატომიტის საწარმოთა ავტობაზები;

დ) ბენზინის სვეტები, თანდართული სიის თანახმად.

7. საწარმოთა გადაცემა ამ დადგენილების 6 მუხ. თანახმად, საქართველოს სსრ საავტომობილო ტრანსპორტის სახალხო კომისარიატისათვის, მოხდეს აქტივითა და პასივით 1939 წლის 1 სექტემბრის მდგომარეობის მიხედვით, კაპიტალური დაბანდებებითა და მატერიალურ-ტექნიკური მომარაგების ფონდებით, რაც ამ საწარმოებს გამოეყო 1939 წლისათვის.

8. დავალოს საქართველოს სსრ საავტომობილო ტრანსპორტის სახალხო კომისარიატს;

ა) არაუგვიანეს 1939 წლის 1 ოქტომბრისა საქართველოს სსრ სახალხო კომისარიათა საბჭოს დასამტკიცებლად წარმოუდგინოს 1939 წლის საფინანსო გეგმა;

ბ) საქართველოს სსრ სახალხო კომისარიათა საბჭოს იურიდიულ განყოფილებასთან ერთად დაამუშაოს და ერთი დეკადის ვადაში სახალხო კომისარიათა საბჭოს წარმოუდგინოს განსახილველად დებულება საქართველოს სსრ საავტომობილო ტრანსპორტის სახალხო კომისარიატის შესახებ.

საქ. - სსრ ს. კ. ს-ის თავმჯდომარე ვ. ბაქრაძე.

საქ. სსრ ს. კ. ს-ის საქმეთა მმართველის მ. ა. ი. შელეგია.

1939 წ. აგვისტოს 28. № 1657.
თბილისი.

და ნ ა რ თ ი.

საქართველოს სსრ საავტომობილო ტრანსპორტის სახალხო კომისარიატზე გადაცემული ავტომეურნეობათა და მათი მომსახურე საწარმოების სია.

I. საჭავჭავტოტრანსი

საავტომობილო საწარმოები

1. თბილისის კანტორა	45	ავტომანქანა
2. აფხაზეთის	„ გაგრის განყოფილებით	81	„
3. ბორჯომის	„	18	„
4. ქუთაისის	„	33	„
5. აჭარის	„	32	„
6. ფოთის	„	16	„
7. გორის	„	11	„

სულ 236 ავტომანქანა

ავტოსარემონტო საწარმოები

1. ავტოსარემონტო სახელოსნოები	ქ. თბილისში	1
2. „	„ ქ. სოხუმში	1

სულ 2



სახაწყოზო მეურნეობა

1. ქ. თბილისი	— 4 საწყოები ფართობით 2495 კვ. მ.	იმყოფება დორტეკის
2. ქ. ბორჯომი	— 1 " " 547 " "	და რკინიგზის სარ-
3. ქ. მახარაძე	— 1 " " 400 " "	გებლობაში იჯარით.
4. ქ. წნორის-წყალი	1 " " 343 " "	იმყოფება იჯარით "ტაბაკ-სირიოს" სარგებლობაში.

ს უ ლ . . . 7 საწყოები ფართობით 3785 კვ. მ.

II. თბილავტოტრასტი . . . 170 ავტომანქანა

III. ადგილ. მრეწვ. სახ. კომისარიატი

1. ქ. ქუთაისი	— ბარიტის ავტობაზა 24	ავტომანქანა
2. ქ. ახალციხე	— დიატომიტის ავტობაზა . . . 11	"

ს უ ლ . . 35 ავტომანქანა

IV. საბენზინო სემბები

1. საქნავთვასაღება		3. ქაღალის საბჭო	
გორი	1	ქ. სოხუმი	1
ქუთაისი	1	4. აჭარკოლპკავშირი	
სოხუმი	1	ქ. ბათუმი	1
წნორის-წყალი	1	ს უ ლ საბენზინო სვეტები . . .	10
ს უ ლ	4		
2. თბილფორტოპი		ს უ ლ ა) ავტომანქანები 441	
ქალ. თბილისი	3	ბ) ავტორემონტ. სახელ.	2
დაბა ფასანაური	1	გ) საწყოებში	4
ს უ ლ	4	დ) საბენზინო სვეტები	10

81. საქართველოს სსრ 1940 წლის ბიუჯეტის შედგენის შესახებ.

საქართველოს სსრ სახალხო კომისართა საბჭო ადგენს:

1. დაევალოს საქართველოს სსრ ფინანსთა სახალხო კომისარიატს დაუყოვნებლივ შეუდგეს საქართველოს სსრ 1940 წლის რესპუბლიკური და ადგილობრივი ბიუჯეტების პროექტის შედგენას იმ ანგარიშით, რომ მუშაობა დამთავრდეს და რესპუბლიკური და ადგილობრივი ბიუჯეტების პროექტი საქარ-

თველოს სსრ სახალხო კომისართა საბჭოს წარმოდგინოს არაუგვიანეს 1939 წლის აგვისტოს 10 ოქტომბრისა.

2. დაევალოს ყველა სახალხო კომისარიატისა და იმ ცენტრალურ დაწესებულებათა ხელმძღვანელებს, რომლებიც სახელმწიფო ბიუჯეტზე იწყობებიან, არაუგვიანეს 1939 წ. 20 სექტემბრისა წარუდგინონ საქართველოს სსრ ფინანსთა სახალხო კომისარიატს ადმინისტრაციულ-სამმართველო ხარჯების ხარჯთაღრიცხვები 1940 წლისათვის.

3. დაევალოს სახალხო კომისარიატების (მსუბ. მრეწვ. სახ. კომისარიატი, საფეიქრო მრეწვ. სახ. კომისარიატი, სატყეო მრეწვ. სახ. კომისარიატი, ადგ. მრეწვ. სახ. კომისარიატი, საშენ-მასალათა მრეწვ. მთავარი სამმართველო, კვებ. მრეწვ. სახ. კომისარიატი, ხორცისა და რძის მრეწვ. სახ. კომისარიატი, საავტ. ტრანს. სახ. კომისარიატი, მიწსახკომი, ვაჭრობის სახალხო კომისარიატი, კომუნ. მეურნ. სახ. კომისარიატი, ჯანსახკომი, სოცუზრუნვ. სახ. კომისარიატი, განსახკომი) და ცენტრალურ დაწესებულებათა (ხელოვნების საქმეთა სამმართველო, ფიზკულტურისა და სპორტის საქმეთა კომიტეტი, მთავარი საგზაო სამმართველო, კინოფიკაციის სამმართველო) ხელმძღვანელებს დაუყოვნებლივ შეუდგნენ საფინანსო გეგმების შედგენას სამეურნეო ორგანიზაციების მიხედვით და ხარჯთაღრიცხვების შედგენას მათდამი დაქვემდებარებულ დაწესებულებათა და ორგანიზაციათა მიხედვით, ცალცალკე რესპუბლიკური და ადგილობრივი ბიუჯეტების ხაზით, და უზრუნველყონ მათი წარდგენა საქართველოს სსრ ფინანსთა სახალხო კომისარიატისათვის არაუგვიანეს 1939 წ. 20 სექტემბრისა.

4. დაევალოს საქართველოს სსრ სახალხო კომისართა საბჭოსთან არსებულ სახელმწიფო საგეგმო კომისიას თავის დროზე წარუდგინოს საქართველოს სსრ ფინანსთა სახალხო კომისარიატს სახალხო მეურნეობის განვითარების 1940 წლის გეგმის მასალები და მაჩვენებლები (გამოსაშვები პროდუქციის მოცულობა, თვითღირებულების შემცირების პროცენტი, საქონელბრუნვის, ქსელის, კონტინგენტების, კაპიტალდაბანდებათა და სხვ. გეგმები).

5. დაევალოს აფხაზეთის და აჭარის ასსრ სახალხო კომისართა საბჭოებს, სამხრეთ-ოსეთის ავტონომიური ოლქის ცენტრალურ აღმასრულებელ კომიტეტს, ყველა რაიონულ აღმასრულებელ კომიტეტსა და საქალაქო საბჭოს შეუდგნენ 1940 წლის ბიუჯეტის შედგენას და არაუგვიანეს 1939 წ. 20 სექტემბრისა წარუდგინონ იგი საქართველოს სსრ ფინანსთა სახალხო კომისარიატს.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველის მ. ა. ი. შედეგია.

1939 წ. აგვისტოს 28. № 1659.
თბილისი.





4
 1957. 33, 35
 I, KE KMƏL
 1 1 12 CB GP 3

გამომცემელი: საქართველოს სსრ სახალხო კომისართა საბჭო

უნდა ჩაბარდეს პირველ რიგში
 ხელწერილის ქვეშ

მისამართისათვის

ფასი 40 კაპ.

გამომცემლობა „კომუნისტის“, პოლიგრაფიული კომბინატი, ლენინის ქ. № 28.

მთავლიტის რწმ. № ო-462

შეკვ. № 1089

ტირაჟი 2000